



Inatsisartunut ilaasortaq  
Malene Vahl Rasmussen  
Demokraatit

### § 37 naapertorlugu apeqqut nr. 188/2018-imut akissut

Apeqqtinnut qujanaq.

#### **1. Naalakkersuisut qanoq naatsorsuutigaat ulloq 1. septembari 2018 Peqqinnissaqarfik tamakkiisumik ingerlalersinnaassasoq malunnarmat nakorsat 43- t amingaataasut kiisalu qaavativigut peqqissaasorpasuarunik atorfeqavissunik amingaateqartoqartoq.**

Apeqqt nr. 154/2018-imut siusinnerusukkut akissutigineqartoq tulliuuttuni itisilerneqassaaq: Peqqinnissaqarfimmi nakorsat amingaatigineqartut 43-nngillat. Peqqinnissaqarfimmi nakorsatut atorfiit 100-t missaannut amerlassusiligaapput, taakkunanillu nakorsat 50-it aalajangersimasumik atorfeqarlutik. Nakorsatut atorfiit arfineq marluk nakorsanit taartaasussarsiuisarfinneersunit inuttaqartinneqarput aammalu nakorsatut atorfiit sinneri 43-t nakorsanit piffissami sivikitsumi atorfeqartinneqartunit inuttaqarlutik (atorfeqartitsinerni taakkunanani isumaqatigiissutigut atugassarititaasut malillugit ukioq ataaseq ataallugu sivilissusilimmik atorfeqartinneqarput). Nunatsinni peqqinnissaqarfimmi sulisussaqaarniarneq Naalakkersuisunit eqqumaffiginiarneqartuarpoq.

#### **2. Naalakkersuisut isumaat naapertorlugu peqqinnissaqarfik tamakkiisumik ingerlasoq sunaava, malunnarmat naatsorsuutigineqartoq 1. septembari 2018 aallarnerfigalugu tamakkiisumik ingerlasoqalerumaartoq uffa nakorsanik peqqissaasunillu amerlasuunik amingaateqartoqaraluartoq?**

Peqqinnissaqarfik ingerlalluassappat sulisussaqaarniarneq pingaaruteqarpoq. Taamaattumillu piffissami sulisussakilliofimmi ulluinnarni pingaarnersuisarnissat pingaaruteqarput, taamaattoorli napparsimasut tassanngaannartumik allatulluunniit katsorsartinnissamik pisariaqartitsisut allangortinnagit isumagineqarput. Ilimatitsissutitut paasissutissiissutigineqarsinnaavoq aatsaat sapaatip akunnerata 37-p kingorna sulisussaqaarluaqqilernissaq naatsorsuutigineqarmat, piffissap taamaalinerani napparsimasut pilersaarutaasumik pinartumillu pissuteqanngitsumik misissortittussat sullinneqaleqqilissallutik.

#### **3. Apeqqtinnut 154/2018-miittunut akissummi nalunaarutigineqarpoq paarlattaasartut allaffianneersut peqqissaasut 33-t kiisalu nakorsat 7-t atorfeqartinneqartut, takuuk apeqqut 2-mut akissut. Apeqqummut 3-mut akissummi oqaatigineqariataarpoq, paarlattaasartut allaffianneersut peqqissaasut nakorsallu 44-t atorfeqartinneqartut. Qanoq ilillunga paasissutissat tatigisinnaavakka, oqaatigineqartummi naapertuutinnimmata, suna eqqortuuva?**

17-08-2018  
Sags nr. 2018 - 15882  
Akt nr. 8452941

Postboks 1160  
Tlf: 34 50 00  
Fax: 34 55 05  
3900 Nuuk  
Email: [pn@nanoo.gl](mailto:pn@nanoo.gl)  
[www.naalakkersuisut.gl](http://www.naalakkersuisut.gl)

Siusinnerusukkut paasissutissiissutigineqareersutut peqqissaasut nakorsallu taartaasussarsiuisarfiit aqqutigalugit atorfinitsinneqartut amerlassusiat nikerarpoq, tamatumani isumaqatigiissutit malillugit sulisunik atorfinitsitsinissamut periarfissat apeqqutaammata.

Ilumoorpoq maanna peqqissaasut 33-t nakorsallu arfineq marluk taartaasussarsiuisarfiit aqqutigalugit atorfeqartinneqarmata. Tamatuma saniatigut taartaasussarsiuisarfiit aqqutigalugit aamma nakorsanngorniartut sisamat atorfeqartinneqarput. Taamaalilluni taartaasussarsiuisarfiit aqqutigalugit 44-t sulisorineqarput.

**4. Naalackersuisunut nassuiaqquneqarpoq napparsimasut isumannaatsuunissaat qanoq paasineqarsimanersoq apeqqutinummi 154/2018-miittunut akissutini oqaatigineqarmat sulisussaaleqineq napparsimasunut sunniuteqanngitsoq naak nassuerutigineqareeraluartoq misissugassat katsorsarneqartussallu aggersarneqarnissaat allatut ajornartumik kinguartinneqartariaqarsimasoq?**

Peqqinnissaqarfimmi sullinneqarnerup nalaani napparsimasut isumannaatsuunissaannut kukkunernut ajoqusernernullu pitsaaliornissanut tunngavoq. Napparsimasut isumannaatsuunissaat eqqumaffiginialugu, sulisut piginnaasallu aammalu napparsimasut isumannaatsumik passunneqarnissaannut suleriaatsit Peqqinnissaqarfimmit ingerlaavartumik nalilersorneqartuarput. Isumannaatsumik sullinneqarnissaq anguniarlugu pilersaarutaasumik pinartumillu pissuteqanngitsumik misissortittussat, allatut ajornartumik, kinguartinneqartariaqarsimapput.

**5. Apeqqutinnut 154/2018-miittunut akissutini Naalackersuisut oqaatigaat Dronning Ingridip Napparsimavissuani siniffiit 11-nik amerlassusillit atorunnaarneqarsimasut sulisussanik amingaateqarneq pissutaalluni. Erseqqinnerusumik akineqarusuppunga, ersersillugu immikkoortorta qarfinni assigiinngitsuni ataasiakkaani siniffiit qassit atorunnaarneqarsimanersut.**

Siniffiit qasserpiaat atorunnaarnersut aammalu qasserpiaat atorneqarnersut oqaatigineqarsinnaanngilaq, tamanna ullormit ullormut nikerarsinnaammata. Iisimatitsissutigineqarsinnaavoq pilatsittunut immikkoortorta qarfinmi ullumikkut aasaanerani sulinggiffeqartoqarneranilu sulisut amerlassusiat malillugu siniffissat naleqqussarneqartariaqarmata, allaat immikkoortortani siniffissat affaannangortinneqartariaqarlutik. Unittussat amerlissappata ulikkaartoornertut sulissutigineqartarpoq, tamannalu pissappat sulisunik immikkut aggersaasoqassalluni. Pinartumik passutassanut immikkoortorta qarfinmi aamma naleqqussaasoqarpoq, tamatumani aamma atuuppoq ulikkaartoortoqassappat siniffiit amerlinissaat periarfissaalluni. Nakorsartittunut immikkoortortami aammalu tarnimikkut nappaatilinnut immikkoortortami siniffiit amerlassusaat allanngortinneqanngilaq.

**6. Apeqqutinnut 154/2018-miittunut akissuminni Naalackersuisut oqaatigaat, peqqinnissaqarfik sipaaqquneqarsimanngitsoq taamaakkaluartorli aningaasaqarnikkut ilungersunartorsiornerup nassataanik ataavartumik ineriartortitsinissaq pisariaqartoq kiisalu pisariillisaasoqartuartaqartoq aningaasat atugassiissutigineqartut iluanni. Tassunga atatillugu kissaatigaara paasissallugu Naalackersuisut qanoq isumaqarnersut oqaatigineqarmat pisariillisaasoqarsinnaasoq Peqqinnissaqarfillu ineriartortinneqarsinnaasoq**

**peqataanillu suliniutitik annertusaanissat taamatullu ineriartortitsinissat kingulliunneqartatut?**

Peqqinnissaqarfimmi atorfillit amerlapput- aalajangersimasumik piffissamilu sivikitsuinnarmi sulisoqarluni- ineriartortitsinissamik pisariillisaanissamillu soqutiginnilluartuupput. Sulisut taakku tassaapput ulluinnarni annikinnerusumik annertunerusumillu allannguissamut aammalu aningaasaqarnikkut sinaakktissat iluini Peqqinnissaqarfiup ineriartortuarnissaanik qulakkeerisartut.

Piffissami aalajangersimasumi suliassat annikillisarneqarneranni suliniutitik annertunerusunik aallartitsisoqarsinnaanngilaq. Aammattaaq sulisussat aningaasaqarnerlu eqqarsaatigalugit suliniutissani tamani sulisunik aningaasanillu atuiffiusussani aalajangersimasumik nalilersuisoqartarpoq.

**7. Apeqqutinnut 154/2018-miittunut apeqqut 8-mut akissummi paasivara Naalackersuisut pilersaaruteqanngitsut akuersissutinut piumasaqaatinik qasukkaanissaminnut. Tamanna iluamik paasisimanerpara? Taamaakkaluarpalluunniilli Naalackersuisut qinnuiginiarpakka sulisussaaleqineq qaangerniarlugu piffissaq qaninnerusoq ungasinnerusorlu isigalugu pilersaarutitik allaasissagaat. Ilinniartitsinerummi iluani suliniutit innersuussutigiinnarneqarnerat akissutitut tamakkiisutut isiginngilara.**

Ullumikkut akuersissuteqarnissamut malittarisassat atuuttut akissummi nassuiaatigineqarput. Sulisut nunatsinnut suliarortut piukkunnarluartuunissaat aammalu nunatsinni peqqinnissaqarfimmi sulinissamut pisariaqartumik piginnaaneqarnissaat, tassungalu ilanngullugu oqaatsitigut piginnaaneqarnissaat Naalackersuisunit annertuumik eqqumaffiginiarneqarpoq. Akuersissuteqariaaseq tamanna allanngortinneqassappat tamatuma iluaqutissartai ajoqutaasinnaasullu nalilersorneqassapput, tamatumani napparsimasut sullinneqartut isumagineqarnissaat pingaarnertut isiginiarneqassalluni.

Inussiarnersumik inuulluaqqusillunga



Doris J. Jensen